

Tgi daventa successur dad Urs Schwaller?

Discurs cun ils dus parlamentarists da la pcd

DA CLAUDIA CADRUVI / ANR

■ Il schaner elegia la fracziun da la pcd in successur per Urs Schwaller. Tgi che candidescha è per il mument anc in misteri. Il nov schef da fracziun sto esser ina figura integrativa, di tant Stefan Engler sco Martin Candinas.

Omadus parlamentarists grischuns da la pcd èn gia vegnids numnads sco successurs pussaivels. Il politolog *Michael Hermann* ha ditg en il «Blick» ch'il neo-cusseglier naziunal Candinas represchentass sco Schwaller il «spiert liberal-social» da la partida e che la pcd basegnia talas figuras. Candinas sez ha sinaquai communitgà immediat ch'el n'haja nagin interess.

Pli ditg è *Stefan Engler* restà en las medias. Ses num è mintgamai vegnì enumerà ensemen cun parlamentarists sco *Pirmin Bischof* (SO), *Konrad Graber* (LU), *Filippo Lombardi* (TI), *Viola Amherd* (VS), *Ida Glanzmann* (LU) ed *Elisabeth Schneider* (BL).

«Memia baud» per Engler

«Per mai èsi anc memia baud», di il cusseglier dals chantuns. El saja pir dapi dus onns a Berna e stoppia anc emprender d'enconuscher il «giu ed il terren». Sin la dumonda, sch'el n'avesse forsà betg tuttina gust da surpigliar ina tala incumbensa, manegia el: «Gust bain.» Ins avess gea cunzunt era la pussaivladad da prender influenza en ina tala posiziun. Ma sco Grischun stoppian ins prender en cumpria in lung viadi a Berna. Per esser schef



Er ils dus parlamentarists grischuns Stefan Engler e Martin Candinas èn vegnids numnads sco candidats pussaivels per il presidi da la fracziun cristiandemocratica da l'assemblea federala.

da fracziun impundian ins bler temp. Perquai fissi bunamain necessari da midar domicil. «Ed jau na less betg dar si mes dachasa.»

Ord vista dals chantuns da muntogna na saja quai insumma betg tuttina tgi ch'occupeschia in tal post. Il schef da fracziun possedia ina posiziun da clav en taifer la politica naziunala.



tent ch'jau dastg esser commember dal presidi da la pcd svizra», respunda Candinas sin la dumonda sch'el aspreschia per il post sco schef da fracziun. Plinavant dettia quai avunda gliעד qualificatgada. «Nus na vegnin betg ad avair problems da chattar insatgi.» Exact sco Engler na less era Candinas numnar nagin favorit.

I na dastgia betg esser ina persuna da l'ala dretga u sanestra, mabain ina che politiseschia en il center da la pcd. En emprima lingia stoppia il nov schef u la nova scheffa pudair furmar ina fracziun che fetschia vers anora ina buna parita e che tiria vi dal medem sughet ed en la medema direcziun, di Candinas. Quai na sa chapescha betg da sez en ina partida dal pievel sco la pcd.

Ina fatscha frestga?

Peter Bieri (ZG) maina la cumissiu che tschertga candidats. Il cusseglier dals chantuns tradescha sulet che l'elecziun ha lieu ils 17 da schaner e discorra da las abilitads ch'in schef da fracziun sto avair.

Ins dastga pia esser spannegià tgi che la fracziun elegia l'entschatta da l'onn nov. La pcd è adina puspè stada buna da procurar per surpraisas e da posizunar fatschas frestgas sin il podest da la politica naziunala, uschia per exempel il 1999 cun cussegliera federala *Ruth Metzler*, il 2004 cun *Doris Leuthard* sco presidenta da partida ed il 2006 cun *Christoph Darbellay* che ha surpiglià il presidi da Leuthard.

Impurtant per Engler è medemamain ch'ins elegia ina persuna integrativa che chapeschia dad unir la fracziun cun ses vast spectrum d'opiniuns. Il nov schef u la nova scheffa stoppia esser ina personalitad che na laschia betg derscher da mintga vent, pertge questa lavur na saja betg mo empernaivla. I dovria ina tscherta independenza dad uni-

uns e da medias. Nums da candidats pussaivels na vul Engler betg numnar. El di be tant: «Sunter *Urs Schwaller* èsi grev da chattar ina cuntinuaziun sin il medem nivel.»

Candinas: «Nagins problems da chattar insatgi»

«Jau sun occupà gia avunda e sun cun-

MAD